



Dadyi ēberā dobida dyiora bio kīrawārēa ʘaa. Mawā ʘaa ādyiraba jɔbada bēṛā wa kīratanōa gorogoroa ʘeada mañ awara kipara bio biya ʘapedaɔada pābadaa. Mañ kiparara ādyirāba edabadaa ara abari kīrāka trɔjarabada bakurudeba. Mañ kipara ʘaba ādyi kakuara biya kīrawārea purubadaa. Ādyi kakuade purubeara ne jarabada mawā ʘeabaria. Ādyi jawa potode, ādyi jawa chirudebida gorogoroa purubadaa. Kitadrusida gorogoroa soabadaa.

Ādyia borode borode jɔbadaa borobarida wa nepe joropo ʘawara kadada. Borobarira parataɔeda obadaa eɔaude dru bara ʘabaria. Nepera dru neeā ʘabaria joropa ʘawara oɔada, karraɔama oɔa baibara biara unubadaa drubara ʘeada. Ādyi kawaraɔe jɔbadaa chidichidida parata oɔada. Ochirude jɔbadaa neatotoda wa idi ewaride trɔjarabadaa chonchitada. Mañ are jɔbadaa parata kerada wa parata kadada. Mawā trɔjarabadaa parada torroda karraɔama drōmanaa kabada bēṛā. Parata kerada neeā baibara idira jɔbadaa jubarida. Maḡara karraɔama kadaa jɔbadaa ju ṛṛ. Ādyia mañ awara jɔbadaa wa gorogoroa bio biya kedeada bara ādyi adaude chīrāboro daucha, ādyi jawa chirude jɔbadaa jawa umenane parata oɔa maniya abadada. Dyi jouḡara jawa kimare auɔu ʘeabaria.